



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA KUMI

Kikao cha Thelathini na Mbili – Tarehe 28 Juni, 2018.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

**Waziri wa Nchi, Ofisi ya Rais, Katiba, Sheria, Utumishi wa Umma na
Utawala Bora:**

Ripoti ya Utekelezaji wa Majukumu ya Mamlaka ya Kuzuia Rushwa na
Uhujumu Uchumi.

Kamati ya Sheria, Utawala Bora na Idara Maalum:

Hotuba ya Maoni ya Kamati ya Sheria, Utawala Bora na Idara Maalum
kuhusu Ripoti ya Utekelezaji wa Majukumu ya Mamlaka ya Kuzuia
Rushwa na Uhujumu Uchumi.

Mheshimiwa Mohammed Said Mohammed.

Hoja ya Mjumbe kuhusu kuchukuliwa hatua stahiki dhidi ya kadhia ya
Timu ya Taifa ya Vijana ya Zanzibar kufutwa katika mashindano ya
CECAFA U-17 na kupewa adhabu kutokana na madai ya kudanganya
umri wa wachezaji.

II. MASWALI:

Ofisi ya Rais, Katiba, Sheria, Utumishi wa Umma na Utawala Bora:

205. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi Ofisi ya Rais, Katiba, Sheria, Utumishi Wa Umma na Utawala Bora:

Kumekuwa na kilio cha ufinyu wa bajeti ya matumizi mengineyo (O/C) katika Ofisi ya Mkurugenzi wa Mashtaka Pemba (DPP) ambapo kwa mwezi wanaingiziwa shilingi 3,000,000/= kufanya kazi za Ofisi ambazo hazitoshelezi.

- (a) Je, kwanini Ofisi hii nyeti sana katika kuchunga haki jinai kisiwani Pemba inapewa fedha chache sana za matumizi ya kila mwezi.
- (b) Je, kuwapa fedha kidogo kama hizo hatuoni kwamba Ofisi ya DPP Pemba inakwama kufanya majukumu yake kwa ufanisi na badala yake wanabeba mzigo mkubwa kutoa huduma.
- (c) Ni hatua gani zitachukuliwa kuhakikisha Ofisi ya DPP kisiwani Pemba inapata fedha za O/C za kutosha kufanya majukumu yake kwa ufanisi.

Ofisi ya Rais, Tawala za Mikoa, Serikali za Mitaa na Idara Maalum za SMZ:

138. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalumu za SMZ:

Hivi karibuni kumekuwa na utaratibu wa kuweka majina ya mitaa mbali mbali ya Unguja na Pemba kwa kuweka vibati kwenye nguzo vikiwa na majina hayo. Jambo la kushangaza baadhi ya majina mengi yaliyowekwa hayaendani na uhalisia wa pahala panapohusika kwani majina yamebuniwa wala hayana uhalisia wa eneo husika.

- (a) Je, utaratibu gani umewekwa wa kuita maeneo yetu majina bila kuharibu uasili wa eneo husika.
- (b) Wapo masheikh, wanasiasa wa kamati ya Mapinduzi ya watu 14, wanamichezo, wasanii n.k, kwanini majina yao hayaenziwi kwa kuitwa mitaa yetu na badala yake tunatumia majina ya mashujaa wa nje ya Zanzibar kuwaenzi.
- (c) Kwanini majina ya mitaa ya asili ya Zanzibar inapotezwa na badala yake tunaagiza majina kutoka nje ya Zanzibar au Tanzania Bara kama vile Kiboje Manzese, Nyarugusu nk huku yale ya kwetu yakiachwa.

238. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Kwa bahati mbaya ujenzi wa Afisi ya Mkuu wa Mkoa wa Mjini Magharibi umechelewa kuanza kwa muda mrefu hadi sasa. Kwa kuwa eneo la ujenzi wa afisi hiyo liliopo hapo Amani limezungushwa mabati hadi sasa.

Je, ni lini ujenzi wa Afisi hiyo utaanza.

Waziri wa Fedha

146. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Fedha:

Wakati wafanyabiashara wa jumba la treni Darajani wanahamishwa ili kupisha ujenzi wa jengo jipya la biashara, walipewa ahadi kuwa watarejeshwa katika sehemu zao ujenzi utakapokamilika. Hata hivyo, ujenzi unaonesha kuwa idadi ya maduka imepungua kuliko ile ya awali na kuna hofu kuwa wengine wanaweza kukosa nafasi zao.

- (a) Je, Serikali itafanya utaratibu gani kuhakikisha wafanyabiashara wale wanapata haki zao za kurejeshwa kwenye maduka yao bila kukosa.

- (b) Kuna taarifa kuwa baadhi ya vigogo wameshafanya mipango ya kujipatia sehemu za biashara wakati hawakuwamo tangu mwanzo, Je hili likoje.
- (c) Endapo walengwa watakosa kurejeshwa pale, hatua gani zitafuata kuwapatia haki zao.

Wizara ya Elimu na Mafunzo ya Amali:

97. MHESHIMIWA OMAR SEIF ABEID (Jimbo la Konde)
- Atamuuliza Mheshimiwa Waziri wa Elimu na Mafunzo ya Amali:

Wizara ya Elimu na Mafunzo ya Amali iliajiri walimu mwezi wa Februari, 2018 kutokana na kuwepo kwa tatizo kubwa la upungufu wa walimu.

- (a) Je, kwa upande wa Pemba, Wizara imepanga kupeleka walimu wangapi kwenye kipindi hichi ili kupunguza tatizo kubwa la walimu na kuongeza kiwango cha ufaulu kwa wanafunzi wetu.
- (b) Je, kwenye uajiri uliopita, Wizara iliajiri walimu wangapi kwa upande wa Pemba.

Wizara ya Biashara na Viwanda:

24. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Biashara na Viwanda:

Shirika la ZSTC katika malengo yake ya mwaka 2017/2018 ni kufanya utafiti wa kupanuwa wigo wa biashara ikiwemo kuimarisha kituo cha ZSTC Dar-es-Salaam kwa biashara na Tanzania Bara.

- (a) Je, utafiti huo umefikia wapi.
- (b) Je, kuna faida gani ya utafiti huo.

Wizara ya Kilimo, Maliasili, Mifugo na Uvuvi:

71. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Hivi karibuni kiasi cha matrekta 47 yamepatikana na kugaiwa kwa upande wa Unguja. Hata hivyo, katika mgawanyo huo, hakuna mgawanyo kwa upande wa kisiwa cha Pemba.

Je, Kwanini matrekta hayo hayajagawanywa kwa upande wa kisiwa cha Pemba.

213. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Hivi karibuni kumekuwa na harakati za kurejesha mashamba ya mikarafuu Serikalini. Hata hivyo, yapo baadhi ya mashamba yanadaiwa kuwa ni ya wananchi na yana hati miliki za wananchi ambayo pia yamechukuliwa na kurejeshwa Serikalini.

(a) Je, Serikali imefanya utafiti wa kina kujuwa mashamba yepi ya wananchi na yepi ya Serikali ili kuondoa malalamiko kwa wale wenye hati miliki za mashamba yao yaliyochukuliwa.

(b) Je, Serikali ikigunduwa kuna mashamba yamechukuliwa kimakosa, ipo tayari kuwarejeshea wenyewe bila kusumbuana.

Wizara ya Ujenzi, Mawasiliano na Usafirishaji:

160. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa Uwanja wa Ndege wa Pemba umewekwa taa za kuongozea ndege usiku hata hivyo, taa hizo haziwashwi na siku ikitokea dharura, taa hizo, pengine zisiwake au kutokea kwa changamoto nyengine.

- (a) Je, taa hizo za kuongezea ndege tokea siku ya kuwashwa kwa majaribio, zimeshawashwa mara ngapi usiku mzima ili kuona kuwa hakuna matatizo.
- (b) Je, kuna utaratibu gani wa kuziwasha taa hizo ili zisije zikaharibika bila kutumiwa.
- (c) Je, Wizara imejipanga vipi kwa sehemu za nje ya Uwanja kwa kuwekwa mataa na mambo mengine yanayohitajika ili Uwanja uwe uko tayari wakati wowote.

182. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Ujenzi, Mawasiliano na Usafirishaji::

Makapuni ya simu yanayofanya kazi Tanzania, moja ya masharti waliyopewa ni kufikisha huduma kwa wananchi maeneo yote. Hata hivyo wananchi wa Pemba hasa maeneo ya Weshwa wamekuwa wakipata tatizo la mawasiliano ya simu kila mara.

Je, hatua gani zitachukuliwa na Serikali kuhakikisha kuwa huduma za mawasiliano ya simu zinapatikana katika kisiwa cha Pemba bila matatizo.

Wizara ya Afya:

81. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Kumekuwa na madai kuwa Wizara ya Afya wanamiliki nyumba za Wafanyakazi zilizopo Micheweni na Mombasa Unguja.

- (a) Je, Wizara ya Afya wanazitambuwa nyumba hizo.
- (b) Je, nani wanaishi katika nyumba hizo.
- (c) Zipo nyumba za Wizara ya Afya Wete na Chake Chake zinadaiwa kukaliwa na Wizara inayohusika na Ardhi, Je, kwanini nyumba hizo hazirejeshwi Wizara ya Afya.

126. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Afya:

Kumekuwa na utaratibu wa madaktari wanaotoka nje kuja kutibu kwa muda mfupi hasa operesheni na madaktari hao huondoka baada ya muda mfupi.

- (a) Je, mgonjwa aliyefanyiwa operesheni na madaktari hao wa muda mfupi, ikitokezea tatizo baada ya daktari kuondoka, Wizara inafanyaje hasa kwa kuzingatia kuwa daktari huyo aliyefanya operasheni, ndiye anayejua vizuri zaidi tatizo la mgonjwa.
- (b) Je, kama mgonjwa ana “*special*” operesheni kwa daktari maalum na hayupo tena, Wizara inamsafirisha mgonjwa kwenda kwa daktari au daktari analetwa.
- (c) Je, yameshawahi kutokea matatizo kwa madaktari hao katika kufanya operesheni na kama kulitokea ni operesheni ngapi na vipi Wizara ililimaliza.

III. TAARIFA ZA SERIKALI:

Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Ripoti ya Utekelezaji wa Majukumu ya Mamlaka ya Kuzuia Rushwa na Uhujumu Uchumi.

IV. HOJA YA MJUMBE:

Mheshimiwa Mohammed Said Mohammed.

Hoja ya Mjumbe kuhusu kuchukuliwa hatua stahiki dhidi ya kadhia ya Timu ya Taifa ya Vijana ya Zanzibar kufutwa katika mashindano ya CECAFA U-17 na kupewa adhabu kutokana na madai ya kudanganya umri wa wachezaji.

Zanzibar,
28 Juni, 2018.

(Raya Issa Msellem)
KATIBU WA BARAZA..